

շահաբեր՝ յօգուտ միարանութեանս և ազիս. լուսակերտ Մայր Աթոռս սուրբ Էջմիածին՝ ըստ մեծութեան անուան՝ չունէր և զփառաւորութիւնս, իսկ այժմ Զեօք՝ զերթ հառսն ի հանդերձս ոսկեհաւն պերճապաճոյճ պճնազարդեայ կայ. ցարդ խաւարամած տղիտութիւնն՝ պաշարեալ էր զմիտս, բայց այժմ՝ յարե գիտութեան կայտոին մանկտիք Հայկազանցս. և որով անիւ կենացս բոլորեցունց հետզհետէ յաջողակ կոյս առնու պտոյտ:

Կեցցէ Անհափառութիւն Զեր. քանզի ի փոքու ժամանակի նոր ի նորոյ զանազան շինութեամբք շքեղացուցեր Աթոռս բովանդակ. պարգեւելով մեզ նոր իմն կենդանութիւն՝ ձգնիք ի կատար հասուցանել զերանութիւն կենաց մերոց, եթէ գերզգօն Քահանայապետիդ միշտ և յամենայն դէպս աջակից գտանիցի հայրենասէր ազգ մեր՝ չախալիցից եթէ ասացից, յայնժամ զոսկեղէն երջանիկ դարուն, և զԱրշակունեաց փաթամ թագաւորութեանն զբարիւլայիլ չութիւն ի մեզ վերափոխեալ տեսցուք՝ որով և յերանութեան վայելիցուք զկենսն մեր, հոգի առնելով ի յոգնատեսակ վշտաց և ի նկողսկրութեանց:

Հապա Քահանայապետ մեծ. մաղթիցուք յԱտուծոյ տալ Անհ օծութեան Զերում զյաջողութիւն՝ առ ի կատարել զամենայն դործս՝ որոց և ձեռնամուխ լինիջիք և միանպամայն առնել զԶեզ օրինակ արժանագով՝ յետադայից յաջորդաց քոց քահանայապետաց՝ որք և ամենեքին ցանկացին զքոյին զնմանութիւն յանձին իւրեանց բերել. ամենեկին ցանկացին ի ձեռն մեծաքանչ օրինակի հմուտ վարչութեան Զերոյ՝ յանդորրու պահել զազգս: Ասան որոյ զամենայն մտադրութիւն Զեր՝ և բաղձնք ազգիս առ ի կատար հանել, յօգուտ և ի պալձանս Հայրենեաց՝ կեցցէ կեցցէ Անհափառութիւն Զեր յամար ամս:

Գրեգոր Ուրախէր Մարտիկոսեան:

(Ի Եղանակսն)

ԱՍՏՈՒԱԾԱՐԵԱՆ ԼԱՅՐԱՊԵՏ,

Ի սերկեան տօնելի աւուրս մեծի՝ ստիպիմ ի սիրոյ սրտիս գեղեցիկ բաղձանաց մխել յայս հանդէս նուիրական, և խորհրդագրաց իմն մտօք՝ ընդ ձեռն արժանապարտ գովեստից և ներդրինեաց զրուստել զնշանաւոր Տարեդարձ Սրբազան Օծման ընդհանրական Գլխոյդ ընտրելոյ Հայկազեան սերնդոց, որոյ բարեղէպ հոլովումն՝ այժ գերբնական պարգեք են և շնորհ եկնաւորն տեսչութեան, և ցնծալի զուարթացուցիչ հնչումն աւետալուր, որ ազդէ ի մեզ զուրախութիւնն հոգեւոր, զուրախութիւնն կատարեալ: Այսօր առատապէս ծաւալին ի սիրտս և ի հոգիս ոչ միայն միարանական ուխտի Հոգեւորականաց զասուց, ոչ միայն պատուամեծար աստիճանաւորաց և ժողովրդականաց համախմբիցի տեղւոյս յայսմիկ, ապաքէն և համայն սերնդոց Յարեթեան տոհմիս, որք թէ և տարակայութեամբ բացակայեալ ի մէջ՝ սակայն զնոյն հոգեւորն ուրախութիւն ծայրայիլ ցնծութեամբ զգան ի սիրտս իւրեանց և ի հոգիս: Այսօր հուժկու գաւազանին ծաղկելոյ փառքն, զոգցէս զընթացս եթերական բնութեան յեղաշրջեալ ի նորաքանչ և յանսովոր խնդութիւնս, ի քիմն անմխիթար որդւոց փառակորոյս Մօրն Հայաստանի քաղցրացուցանելով՝ զնոր իմն և զօտար ուրախութիւնս տայ ազգումն հոգեւոր բարիզգացութեամբ երգել ի բարձունս ըստ մանկանց Սաղիմայ զովսանայն օրհնութեան. և փոխանակ հնոցն արմաւենեաց և ոստոցն ձիթնեաց՝ զսիրտ մեր խոնարհ, զսիրտ մեր տիրասէր բանալ Անհիդ ի դէմս: Այս փառաւոր յիշատակ Օծման Տարեդարձի Սրբապնասուրբ Հօրդ շքեղաշուք և պանծալիս յօրինեալ՝ ոչ միայն ի խնդութիւն հոգեւոր կացուցանէ զհամագումար հանդիսականս, ապաքէն և ի տեսարան շնաշխարհիկ հանդիսի առմաստուցանելով զԱնհանայ գործս Զեր առաքինիս, և զազգասիրական զջանս և զփոյթս շահաբերս, որք արդարեւ հոգեւոր սպեղանիք են հարուածեալ սրտի Հայաստան աշխարհի, տայ հարազատ որդւոց նորին վերստին ի յոյս

նոր և գեղեցիկ, ի յոյս մեծ և գերազանց, ի յոյս առաւելագոյն բարեաց փառաւորութեանցն, անբաւ ուրախութեամբ սրտից խրախուսանօք թեւակոխել, և զպղատիրական վաստակս մեծի Հայրապետիդ երախտագէտ հօգուով ի փող աւագափող ներբողինել, Ահա այսօր ամբարձնալ Վեհիդ ի պատկառելի գահ Հայրապետութեան, և ի բարեյաջող շրջանս Չորրորդ Տարեդարձի նուիրական սուրբ Օծմանդ ժամանեալ՝ ազգասիրական ներկայ գործք Ձեր և ջանք ի մեծամեծ բարիս և ի շահեկան պտուղս վաստակոց եղերելով՝ զպառնեացն՝ սիրելի ազգայնոց մերոց, զհաստատուն յոյս և զակնկալութիւն վսեմախոհ խորհրդովք տան պսակել պանծանօք, զի բնական են այսոքիկ շարժառիթք, զի չիք երբէք յղութիւն առանց ցաւակցական երկանց, և չիք կասկածելի երկունք առանց ուրախական ծննդեան, եթէ ներքին զգացմամբ հօգույ՝ ճշմարտութեամբ հայեցութիւն յայս նշան նշանաւոր:

Ապա ուրեմն զի՞նչ արդեօք մնայ մեզ համահմանելոցս աստանօր կատարել ո՞ր պատուարժան Տեսալք հանդիսականք, եթէ ոչ փառս յաւերժական յարգանաց մատուցանելով Արժանաւոր Գլխոյ Հայկազնանս սերնդոց՝ փութալ ի շնորհաւորութիւն նշանաւոր Տարեդարձի Սրբազան Օծման ազգականամ Այցելուի մերում, և ի նուիրումն սրտից մերոց և հօգուոց եռանդուն մաղթանաց առ բարձրեալն Աստուած, և կոչել համասիրտ ձայնարկութեամբ, Թագաւորդ երկնաւոր Տէր Բրիստոս, զարժանաժառանգ սրբոյ Գահիս և մեծի տանս Թորգոմեան զՏէր Գէորգ Գ զՍրբազնագոյն և զՎեհափառ Հայրապետն մեր օրհնեալ և պահպանեալ ընդ հովանաւորութեամբ Ամենազօր Աջոյդ բարձրելոյ, անփորձ և անսասն կենօք, բարեբնակի և խաղաղաւետ առաքելք, իմաստուն և պայծառ մտօք և հօգուով, հսկող և խոհական կառավարութեամբք ի յաւերժական ուրախութիւնս և ի պարծանս ընդհանրութեան Ազգիս Հայոց:

Յարութիւն Տ. Խաչիկանց:

Ի ՏՕՆԻ ԿԵԹՈՎԻԿԷ

Ս. ԷԶՄԻԱՄՆԻ.

(Ի Մաղիան)

ԱՍՏՈՒԱԾԸՆՏԻՐ ՎԵՀԱՓԱՌ ՏԷՐ

ՍՐԲԱԶՆԱԳՈՅՆ ՔԱՀԱՆԱՅԱԳԵՏ:

Անեղն անսահման, որոյ Աթոռ զերկինս և պատուանդան ոտից նորա զերկիր հօգուովն մեզ քա. րոզէ Մարգարէն՝ ի ցոյց անհուն մարգասիրութեան իւրոյ գեր զարեգակնաճաճանշ լուսով ընտրեաց զտեղի բնակութեան իւրոյ ի Հայաստան աշխարհի, զտեղի Մօրս լուսոյ նորոյս սիւնի, յորում սահմանափակի Անսահմանն ի սէր արարչական զթութեան առ ազգս համօրէն ազանց և առ Թորգոմեանս, յայտնեալ զփառս Աստուածութեան իւրոյ և զմեծ վայելչութիւն սրբութեան Տաճարիս, զոր ոչ եթէ Բնակելէ ոմն արար և կառոյց, որպէս զտապանակն ուխտի, և կամ ծերունին նոյ որպէս զտապանն ապրեցուցիչ ընդ հրամանին՝ օրինակացն խելամուտ լինելով, այլ ծոցածին ծնունդն իսկակից Հօր և փառակից սուրբ Հոգւոյն իջեալ յերկնից ինքնին ճարտարապետ եղև անզրդուելի հիմանս սրբոյ Եկեղեցոյս այսօրիկ, ոյր վասն Էջմիածին անուանեցաւ. որ ի տիպ կարակնաճև լուսոյ եցոյց զսա բնակարան ամենասուրբ եռանձնեայ Աստուածութեան և մակաղեւորդ բանաւոր հօտին իւրոյ գնեցելոյ արեամբն անպարտականաւ ի ձեռն գերեջանիկ պարթևի եռամեծին Գրիգորի սքանչելի սուրբ նահատակին իւրոյ, որ նովին գերահրաշ տեսեամբ ի հոգեռանդն սէր վառեալ ասէ ցաղքայն հրաշիւք փրկեալն և հաւատացեալն ցուրբն Տրդատ Անկալք շինեցութիւն սուրբ զխորանն լուսոյ. քանզի ի սմա ծագեաց մեզ յոյս ի Հայաստան աշխարհի, զոր և Աստուածախօս քնարն Գաւիթ կանխատեսեալ և ի սէր նորին համակեալ ասէր. Տէր սիրեցի զվայելչութիւն տան քոյ և զտեղի յալկի փառաց քոյ:

Ո՞վ մեծի շնորհացն և պարգևացն Աստուծոյ՝ զոր ընկալեալ մեծ Քահանայապետն և Աստուածառաք Լուսաւորիչն մեր, ի տրիտուր երկրտասան